



FOTO R. FEINER/52BESTEBAUTEN.CH

## In bloc erratic ed ina tartaruga

■ (fmr/ls) Suenter la Segunda Guerra mundiala ha il Club alpin svizzer intensivà la construcziun da ses refugis alpins. Tranter tuttas chamonas dattan en egl surtut quellas da l'architect songagliais Jakob Eschenmoser (1908–1993). El ha concepì 15 chamonas novas u renovaziuns – in'ovra concepziunalmain unitara. Las chamonnas èn originalas, organicas e ma-

naivlas a la natira. Ina tipica chamona «Eschenmoser» en Grischun è la Chamanna Coaz sin 2610 m s.m., eregida da nov 1964. Ella para be in crap erratic amez la gonda. Sia surfatscha poligonala dat a quel bloc ina tempru cristallina, il tetg sumeglia in panzer dad ina tartaruga che protegia la chamona. Er a l'intern s'orienteschan tut ils locals lung il mir extern,

uschia che perfin ils letgs da l'alloschi stattan in sper l'auter en furma da trapez.

La Chamanna Coaz tutgatar 52 edifizis che la Lia grischuna per la protecziun da la patria preschenta en il decurs da quest onn sut il titel «52 beste Bauten». L'idea da l'acziun è da sensibilisar per la ierta architectonica dals onns 1950–2000.